

SPOLETINVS DVCATVS.

529

Italico. *Tinna* dividitur, flumine parvo & inglorio. In Foro Palatia sunt tria: in uno habitant *vii Viri Fulginate*, ad quos primum Civiles deferuntur Controversiæ Magistratu fungentes bimestri: in altero Prætor, qui graviores causas diiudicat, cuius munus sex durat menses: in tertio Gubernator, cui summa potestas Pontificis nomine tribuitur. *Assisium*, ab *Assi* monte proximo dictum. *Assisium* Ptol. *Assisium* Str. *Assisi* vulgo & *Sisi*; Episcopatus dignitate claret. Patria est *D. Francisci*, qui Familix Minorum conditor: Templo ibi honestatus sumtuosissimo. Est hic Bibliotheca instructissima. *Mons Falco* opidum amœnis in collibus: Novum quidem, sed incolis frequens: quo *B. Clara*, Eremitarum Ordinis virgo, fertur ora. *Spoleum*, a quo *Ducatus Spoletini* nomen Umbriæ tributum. Vulgo *Spoleto*, *Spoletium* Str. & *Pt. Sicum* est inæqualiter, partim in plano, partim in colle, cui & *Arx* infidet munitissima, ex vetusto quondam Amphitheatro, quod hicerat, facta. Vrbs hodie splendida est, & omnium rerum adfluit copia. Videre ibidem licet præter alia magni ævi ædificia & Antiquitates residuas Theatri fundamenta, verustissimum extra urbem Concordiæ Fanum, Formas ibidem sublimes ac solidas aquæ ductum, ex Apennini colliis partim excisas, partim opere lateritio ex ima valle fornibus in altum subductis. *Ceretur* novi nominis Opidum, sed frequens: a quo *Ceretani* vocantur Errones, qui nunc per universam Italiam discurrentes sanctitatis religionisque prætextu variis artibus emungere stipem consueverunt. *Pons Castellanus*, *Ponte Castello*: ab *Ceretanis* conditum. Eo ortus Ioannes Pontanus, Vir magni nominis & omni doctrinarum genere præstantissimus. *Conissa* novi nominis Opidum, montoso situ, frequens admodum. *Interamna* Str. *Interamnia* Antonino: *Interamnium* Itinerariæ Tabulæ: vulgo *Terni* vel *Terani*. Rebus omnibus ad vitam necessariis abundat: Incolis frequens. Agro insignis ab fl. est fertilitas. Vinum notæ optimæ *Vernaccia*. *Tuder* vetusta Civitas in colle amœno sita, Ficus, Oleis, Vitibus, aliisque fructiferis arboribus ornato. Lacus habet *Floridum*, *Velinum*, *Cutibensem*. Montes autem præter *Inginium*, cuius meminit Strabo, *Eugubinum*, *Floridum* & alios: sunt, qui *Corniculi* Halic. Latinis forte *Corniculi*: videtur *Zonaras Carnitas* vocare. *Crustumini* Montes ibidem, ex quibus *Allia* fl. præalto alveo defluit. *Fiscellus* Iugum illud Apennini Plinio dicitur, unde duobus erumpit fõtibus *Nar. fl.* hodie *Monte Fiscello*. Sequitur inde pars Apennini, que *Mons Victor*, ubi Apenninus supra Castellum Arquatam altissimis cacuminibus effertur, ut adeo seipsum celsitudine videatur superare, id est, ut adhærentia circumquaque juga cetera, quamquam editissima, longe vincat: ideoque ex re nomen huic Culmini datum *Mons Victor*. Incolæ reliquis Italiæ populis sunt bellicosiores. *Ariminensis* Episcopatus subest *Ravennatensi* Archiepiscopatu. Episcopatus in Ducatu Spoletino, sunt, *Assisinas*, *Fulginas*, *Nucerinus*, *Eugubinus*, *Spoletinus*, *Tudertinus*, *Amelienfis*, *Narniensis*, *Interamniensis*.

Lacus.

Montes.

X x x

OFFERT